



1532

1532

Suppl.

Von zweyen Türcken
en newlich gefangen was
sie gefragt worden / vnd geant
wort haben.

Ex Museo
Hungarico



Ortelius

Das Erst Fragstück.

Ob der Türckisch Keyser mit allem heer vber die Raha kommen seye? Antwort des Ersten Türcken Ja er sey mit aller seiner macht herüber. Antwort des andern. Ja.

Das Ander.

Wienler püchsen bey yhm habe? Antwort des Ersten. Vierhundert stück klain feldgeschütz. Des andern Er hab nit püchsen die starck sein/sonder etlich auff redern/vñ die do dienen zu der schlacht/bey 400. das sey aygentlich also.

Das Dritt.

Wie vil volcks Antwort des.1. Zehentaufent Janitscher/ Bey dem Keyser sein Sibentaufent/vnd bey Ambri Wascha drey tausent. Des.11. Zehentaufent Janitscher/bey de Türckischen Keyser Sechstaufent/vñ bey Ambri Wascha vier tausent.

Das Vierdt.

Was sie für wehr tragen? Antwort des.1. Neuntaufent haben püchsen/aín tausent Partisan/darmit sie stechen vñ schlagen Des.11. Der meist teyl treget püchsen/ vñ drey tausent tragen partisan/die dienen zu schlagen vñ würgen.

Das Fünfft.

Ob er die prucken vber die Raha hab steen lassen? Antwort des.1. Des wißer nit. Des.11. Nach dem als pald der Türck hin vber kommen ist/hab er die prucken wegt gethan/wiewol ers selb nit hat gesehen/sonder die hernach gefolgt/habens yhm gesagt.

Das Sechst.

Wie viel sie tag vber die prucken gezogen? Antwort des.1. Drey tag vñ drey nacht/daneben sey vil volcks sonst vber dz wasser komen/der prucken seynur aine gewest/hab der Türck schlagen lassen. Des.11. Biß auff den vierden tag.

Das Sibend.

Ob er die prucken zu Effect steen hab lassen? Antwort des.1. Er wiß des selben nit. Des.11. Ja.

Das Acht.

Ob pryn peter lebendig oder todt sey? Antwort des.1. Er sey gefangen/vñ fünffzehnen seiner pesten diener erschlagen. Des.11. Er sey gefangen.

Das Newnt.

Ob er vo: Güns gestürmt hab? Antwort des.1. Man hab den graben/des tags so sie vom leger geritten/zum sturm ausgefüllet/aber noch nit gestürmt. Des.11. Nain/er hat noch nit anlassen lauffen den sturm/dan die mauer wer noch nicht weck.

Das Zehendt.

Wie vil der diener /so vñ Ambri wascha hinein gen/Güns gefallen sein. Antwort des.1. Ir sein acht odder zehen/darunder zween hungern. Des.11. Etlicher seiner gefangnen/die er von jugent auffgezogen hatt/sein hinein geflohen/die hat er wider herauß berüfft/Sie habens aber yhm abgeschlagen/durch potschafft der Mißpoß.

Das Ylffft.

Was des Türckischen Keyserns fürnemen sey? Antwort des.1. Es könne nyemand wissen wohin er wöll Des.11. Er wolt güns die stadt vor gewinnen/dan er ist mit zom vber sie bewegt/wen sie aber gnad begerten jms auffgeben so wolt ers besetzen.

Das Zwölfft.

Ob er nit auff Wien ziehen werd? Antwort des.1. Etlich sagen er werd auff Wien ettlich nit. Des.11. Darnach wol er auff Wien ziehen/nit das er die stet vñ schlosser belegen wöll dan er ist nit darzu gerüßt/hat sich auch nit daruff versehen/sonder das er der schlacht wartem wölle/Wo er da oblig vñ sie gewinn/woll er die Stedte vñ Schloßer einnehmen/Wo er aber nicht/so wölle ers alles verheren/vñ verderben/vñ der wiß nicht wie lang er zu feld ligen werde/Sunder das sey entlich des Türckischen Keyserns fürnemen das er der schlacht wartem wöll/so lang er vor felt vñ Winter zu feld ligen kün.

Das dreyzehend

Ob in des Türcken leger hunger sey? Antwort des. 1. Ein prot als ein faust gelt zehen Aspern/vñ als vil einer ein nachte füttern mög/gelt vierzig Aspern/sie möchten vor hunger sterben. Des. 11. Es ist ein grosser hunger vñd mangel des trancks vñd essens vñter jnen.

Das vierzehend

Warumb sie prennenn? Antwort des. 1. Der Türckisch Kayser laß schier alle tag zehen oder zwelff derhalbenn niderz hackenn/kans aber vñter souiel volcks nit erweren. Des. 11. Wiewol der türckisch Kayser solchs hart straffet vñd sehr verpeut/kan ers doch nit verhuten vor der meng des volcks.

Das funffzehend.

Wo die potschafft sey? Antwort. Des. 1. Sie sey beim Türcken vñ ziehe mit jm/wohin erziehe. Des. 11. Sie leben noch vñd sein stets bey dem Umbri Wascha/sie haben nicht wöllen abziehen/haben geförcht geserligkeit vñd ermordung vor des türckischen vortrab/haben darumb den Kayser gepetent das er sie bey jm behilt.

Das sechzehend

Wienil er Tattern hab. Antwort. Des. 1. Er soll jr Acht tausent haben. Des. 11. Achte tausent.

Das sibenzehend

Wienil er Natalier hab. Antwort. Des. 1. Das ganz Natalia sey da / acht er auff dreissig tausent man. Des. 11. Das wiß er nit gewiß.

Das achtzehend

Wienil er oberal hab vñd starck sey. Antwort. Des. 1. Er acht es alles auff zwaymalhundert tausent mann / Darunter vermaint er/es mochtenn jnn die achzig tausent werhaffter man sein. Des. 11. Zwaymalhundert tausent ist das ganz here vñter wöhlenn achzigtausent oder hunderttausent guter streitperer meinner sey jm vorzug vñd das here sey yetz grösser/dann es zuvor vor Wien gewesen sey.

Das Neunzehend

Ob man nit sag das die Chisten sich mit jnenn schlagennt worden/vñd das Kayser vñd Künig auch da sein werden. Antwort. Des. 1. Man sag danon jm leger/Darumb sie auch da sein/aber des Kayser vñd Königs sorg man nit. Des. 11. Sie sagen der Kayser sey zu tuch zoge vñ hab Wie beuestiget.

Das zweingigst

Was den Türcken verursacht/das er nit nach der Thuman herauff gezogen. Antwort. Des. 1. das es neben der Thuman alles verprent sey. Des. 11. D; wais er nit er maint es gesche vñd der teunig der profande.

Das Ein vñdzweingigst

Ob er nit groß geschütz mit jme aufgeführt hab. Antwort Des. 1. zehentausent schiff hab der kaiser zu Constantinopel aufgeschickt wiß aber nit wohin. Des. 11. Etlich geschöpf sey auff schiffen in kriechischen weissenburg gfürt/die selbige füren kugeln als groß als ein kunds kopff.

Das zwey vñdzweingigst

Ob der Türckisch Keyser genn kriechischen weissenburg komenn/ob kain geschütz mit jne dahin gebracht worden/auff der Thunnens? Antwort Des. 1. Es sey dahin kain schiffung mit geschütz komenn hab auch anderst nicht / Dann die Nassern schiff gesehen. Des. 11. Er wiß nicht gewiß vñd grossenn geschütz/noch auch vñd schiffenn.

Das dreyvñdzweingigst

Wienil er Nassern schiff hab/vñd wo sie seyen. Antwort Des. 1. Er hab der vil gesehen wiß aber nit wo sie sein/noch die anzahl derselbenn. Des. 11. Er sagt der sey ein grosse zail weis aber nit wienil.

Das vierund zweingigst.

Ob kain her hernach ziehet? Antwort des. 1. kain. Des. 11. kains.

Das funffundzweingigst.

Ob vil volcks aus Boffen bey jnen sey? Antwort Des. 1.

Achttausent Bossackten. Des. 11. Zayge an achttausent.

Das sechsundzweynzigist.

Ob ain geschray von einem einfall / denn die Christen im Bossen gethann / vnter sie komenn sey? Antwort. Des. 1. ja Des. 11. Er hab nichts gehörit.

Das siebenundzweynzig ist

Ob vil Vngern bey dem Türcken seyen. Antwort Des. 1. Nur auß Simchem. Des. 11. Er hab kein Vngern bey im den allein was auß Simchem sey.

Das achtundzweynzigist

Ob er die Vngern vast nider laß hacken? Antwort Des. 1. Mann sehe der Vngern kein. Des. 11. Er laß die Vngern nit todten noch fangen.

Das newundzweynzigist.

Ob kein krankheit zwischen inenn vmb gehe? Antwort. Des. 1. Weder vntern volck / noch vntern Rossen. Des. 11. Nein.

Das dreyszigist.

Warumb er dem Prym peter gefangen hab? Antwort Des. 1. Der wayda hab de Türck geschriben Prym peter hab ain volck so bald er vber die Traa kom / so woll er im den pass wider züruck vorhalten? Des. 11. Das ettlich den türckische Kayser gesagt haben / er sey in nicht getrew.

Das einunddreissigist.

Warumb er so langsam ziehe? Antwort Des. 1. Er wiß nit. Des. 11. Er hab ein groß volck vnd grosses here vñ schon auch seher seins volcks.

Das zweyunddreissigist.

Ob er mit dem Sophi zu kriegen hab? Antwort Des. 1. nein Es sey frid zwischen inen. Des. 11. Er hab ein frid vnd verapuntus mit im gemacht.

Das dreynunddreissigist.

Ob sie sich zu Güns vast wern? Antwort Des. 1. Er acht es seyen mer dan Tausent Türcken darvor erschossen worden.

Des. 11. Wenn sie sich nit ergeben so wil ers schlaffen vñnd alles erschlagen dz drinen ist / oder wils nit macht gewinnen aber sie weren sich sehr vñd hefftig / vñd bedurften wol hilff / Er glaub das dem Türckischen Keyser bey Tausent Türcken darvor vmbkommen sein.

Das vierunddreissigist.

Obs volck zu Ross harnisch für? Antwort Des. 1. Nein / Aber lang plechhandschuch für sie / vñnd vber vierhundert Camel thier für panzer hernach. Des. 11. Bis in achzehen glid.

Das. 35.

Obs volck bezahlt sey? Antwort des. 1. Wiß nit. Des. 11. Janitscher sein zu Effegk bezahlt auff drey Monat.

Der türck hat ablassen hawen vil holz vñd baum vñd ein wagenpurck damit befestiget.

Item er hat die Mülen so vber den fluß Raha sein verbrenet / alle verwüst vñd vehert.

Item die Türcken so zu Offen gewesenn sein / hin auff zum Türckischen Kayser zogen / eben auff sein weg den er ist zogen / vñd haben zu Offen gut beschutzung glassenn / sechstausent püßsen.

Item der Türckisch Keyser ligt ein halbe meil wegs vom Güns / vñd vmbi wascha leit daselbs zu feld / vñd hat wagen purck geschlagen / Er hat sich auch vnterstanden on vil orten zu graben / kan aber vor wasser nichts aufrichten.

Item jr solt wissen / das in des türck leger grosser mangel ist des brots / aber getraid vñd fütterung ist genug da / aber keine Mülen das mans malē künde / Darumb ist auch kein mel da.

Die Janitscher haben ettliche auß yhnen ertwelt vñd sie zu dem Türckischen Keyser geschickt / vñd lassen sagen / Er hab sie herauf gefürt ein schlacht zubün / da solt er auch zweylen / vñd darzu thun / Sie müßten sunst hungers sterben / So wolte sie lieber im krieg vmbkomen vñnd erschlagen werden dan hun ger sterben. Da hat yhn der Türck geantwoitet / Sie solt

len noch ein wenig tag gebult tragen / So bald er das Schloß
Günß gewinn / so wöll er ihn alle profand / so darinn ist zustel
len vnd vnter sie taylen / vnd als dann zu der schlacht ziehen.

Es sagenn meine kundschafter das der türckisch Kayser
teglich wart potschaft vom sein Masarisio / ob sie ehe die
brücken bey wien eingenomen haben vünd berentt / als dann
wöll er auff wien ziehen

Es zaygenn die kundschafter an / Das er hab ein grosse zall
gefangner männer / weiber / vnd Junckfrawenn / die er all bes
wapnet / vnd wer in die hende hat geben / vnd schneid denn
weibern die har ab / vnd legt in türckische kleider an / vnd das
thut er darumb das ers inn der schlacht vorn an die spitzenn
stellen will vor denn andern allen / das die das geschosß vom
ersten treff vnd auffhalt.

Günß leytt fünff meil vorn der Newenstat

Aspern gilt vnser pfennig fünff oder sechs

Bosson ist ein Herzogthum

Wassern seinschiffleut oder krieger die auff wasser kriege



